

XEERKA N. 138 rep.

MAAMULKA WALAAYADA TALYAANIGA EE SOOMAALIYA

XOGHAYAHA DUUD

MARKI UU ARKAY wareegtada madaxweynaha Jamhuuriyadda ee 9 diseembar 1952, n. 2357;

MARKI UU ARKAY qaybta 9-aad farqadeeda saddexaad ee wareegtada la soo xusay;

WAXA LOO ARKAY fursad in la abuurto dugsi ku takhasusay diinta Islaamka oo ku yaal Soomaaliya diyaariyana garsoorayaasha shariicada iyo wacdiyayaal;

WAXAA LOO GARTAY in lagu cabir qaado dugsiyada sare ee Soomaaliya;

WUXUU XEEREYEY

Qod. 1.

Magaalada Muqdisho waxa laga sameeyay “Dugsiga Akhlaaqda Islaamka” ee barashada cilmiga diinta iyo shareecada Islaamka.

Qod. 2.

Waqtiga dugsiga soconayo waa afar sano oo loo qaybshay:

- a) labada sano ee ugu horreysa waa diyaarin guud ee ardayda;
- b) Laba sano ee xigta waxa loo qaybiyaa laba takhasus: garsoorayaasha shariicada iyo wacdiyayaasha.

Qod. 3.

Ku diiwaangelinta sanadka koowaad ee dugsiga waxay ku xiran tahay ka gudbidda imtixaanka aqoonta guud si loo hubiyo in marashixiintu ay awood u leeyihiin inay si wanaagsan ula socon karaan dowrooyinka.

Qod. 4.

Dhamaadka dowrada afarta sano ah, imtixaanno ayaa dhacaya si loo helo Dibloomaha shahaaddada Dugsiga.

Qod. 5.

Nadaamka dugsiga ee dejinayo dowrooyinka iyo barnaamijyada wax barista ayaa la ansixin doonaa.

Qod. 6.

Dowrooyinka tababar dheeri ah ayaa loo diyaarin karaa ardayda ka qalin jabisay dugsiga, iyo dowrooyin dib u cusbooneysiin ah oo loogu tala galay kuwa taariikhda wareegtadan mar horeba haya howlaha Qaadi.

Qod. 7.

Kharashaadka la xariira ka shaqeysiinta Dugsiga, waxa miisaami doonaa qodobka 64aad ee miisaaniyadda sannad maaliyadeedka min 1 luulyo 1953 - 31 disember 1954 iyo qodobbada la midka ah ee sannad maaliyeedyada xiga.

Muqdisho, 11 setembar 1953.

Arkay diiwaangelinta n. 96 ee R. D.
17 setembar 1953.

MAAREEYE
I. Spinelli
